

UNIVERZITET U SARAJEVU -ELEKTROTEHNIČKI FAKULTET

Broj: 01-3816/23

Sarajevo, 22.09.2023. godine

Na osnovu člana 69. Zakona o visokom obrazovanju ("Službene novine Kantona Sarajevo", br. 36/22), člana 111. Statuta Univerziteta u Sarajevu, Vijeće Univerziteta u Sarajevu - Elektrotehničkog fakulteta, po prethodnoj saglasnosti sekretara, na sjednici održanoj 22.09.2022. godine, donosi

ODLUKU

o kriterijima i mjerilima za utvrđivanje redoslijeda prijema kandidata za upis u prvu godinu drugog ciklusa studija na Univerzitetu u Sarajevu - Elektrotehničkom fakultetu u studijskoj 2023/2024. godini

Član 1.

Ovom odlukom utvrđuju se zajednički kriteriji i mjerila za bodovanje i upis kandidata u prvu godinu drugog ciklusa studija na Univerzitetu u Sarajevu - Elektrotehničkom fakultetu u studijskoj 2023/2024. godini.

Terminološko korištenje muškog ili ženskog roda u ovoj odluci podrazumijeva uključivanje oba roda.

Član 2.

Kandidat je za upis obavezan podnijeti prijavu i priložiti dokumente predviđene Konkursom za upis studenata u prvu godinu drugog ciklusa studija na Univerzitetu u Sarajevu u studijskoj 2022/2023. godini. Prijava se vrši online putem, koristeći servis eUNSA.

Utvrđivanje jedinstvene rang-liste svih prijavljenih kandidata vršit će se na osnovu prosječne ocjene koju su kandidati ostvarili u toku prvog ciklusa studija, odnosno nakon završetka studija po predbolonjskim nastavnim planovima i programima, s tim da visina prosječne ocjene ne može biti eliminatorna za prijavu na konkurs, kao i na osnovu vrednovanja rezultata prijemnog ispita za svaki studijski program posebno.

Član 3.

Utvrđivanje broja bodova na osnovu prosječne ocjene utvrđuje se tako da se prosječna ocjena iz svih predmeta, uključujući i završni rad, zaokružena na dvije decimale pomnoži sa brojem 10.

Maksimalan broj bodova na osnovu ovog kriterija iznosi 100.

Visina prosječne ocjene i broj bodova ostvaren po ovom kriteriju nije eliminatoran.

Član 4.

Broj bodova na osnovu rezultata prijemnog ispita utvrđuje komisija za provođenje prijemnog ispita za svaki odsjek posebno.

Prijemni ispit iz Matematike i Osnova automatike i elektronike polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za automatiku i elektroniku, ukoliko ranije nisu položili prijemni ispit za upis u prvu godinu drugog ciklusa studija na Univerzitetu u Sarajevu - Elektrotehničkom fakultetu.

Prijemni ispit iz Matematike i Osnova elektroenergetike polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za elektroenergetiku, ukoliko ranije nisu položili prijemni ispit za upis u prvu godinu drugog ciklusa studija na Univerzitetu u Sarajevu - Elektrotehničkom fakultetu.

Prijemni ispit iz Matematike i Osnova računarstva i informatike polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za računarstvo i informatiku (Računarstvo i informatika, Softver inženjering), ukoliko ranije nisu položili prijemni ispit za upis u prvu godinu drugog ciklusa studija na Univerzitetu u Sarajevu - Elektrotehničkom fakultetu.

Prijemni ispit iz Matematike i Osnova telekomunikacija polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za telekomunikacije, ukoliko ranije nisu položili prijemni ispit za upis u prvu godinu drugog ciklusa studija na Univerzitetu u Sarajevu - Elektrotehničkom fakultetu.

Član 5.

Detaljne upute za izradu prijemnog ispita biće objavljene na web stranici Elektrotehničkog fakulteta u Sarajevu.

Prijemni ispit se sastoji od 20 zadataka, organiziranih kao abcd pitalice. Kandidat zaokružuje jedan od ponuđenih 4 odgovora, ili preskače zadatak. Postupak rješavanja se ne pregleda.

Za ponuđeni tačan odgovor dodjeljuju se 2 boda, a za ponuđen netačan odgovor oduzima se 0,5 bodova. Za preskočeni (neodgovoreni) zadatak nema oduzimanja bodova.

Maksimalan broj bodova koji se može ostvariti na prijemnom ispitu iznosi 40.

Broj bodova ostvaren na prijemnom ispitu nije eliminatoran.

Član 6.

Ukupan broj bodova kandidat dobije kada se suma bodova dobijenih na osnovu prosječne ocjene i rezultata ostvarenih na prijemnom ispitu zaokruži na dvije decimale.

Upis kandidata vršit će se u skladu sa odobrenim planom upisa i utvrđenom rang-listom.

Član 7.

Postupak provođenja ove odluke vrši komisija koju imenuje Univerzitet u Sarajevu - Elektrotehnički fakultet.

Datum i vrijeme polaganja ispita biće objavljeni na web stranici Univerziteta u Sarajevu - Elektrotehničkog fakulteta.

Komisija je dužna da osigura tajnost ispitnog materijala i druge relevantne dokumentacije.

Preliminarna rang-lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici Univerziteta u Sarajevu - Elektrotehničkog fakulteta (pod šifrom koju su kandidati dobili prilikom registracije) nakon što je verificira komisija, najkasnije dva dana od dana polaganja prijemnog ispita.

Na preliminarnu rang-listu kandidati imaju pravo prigovora u roku od tri dana od dana objave iste, o kojoj je vijeće obavezno donijeti odluku u roku od tri dana. Odluka vijeća po prigovoru je konačna.

Nakon isteka žalbenog roka komisija je obavezna u eUNSA sistem unijeti i verificirati rezultate po uvaženom prigovoru.

Konačna rang-lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici Univerziteta u Sarajevu - Elektrotehničkog fakulteta.

U roku od sedam dana od dana objave konačne rang-liste, kandidat koji je ostvario pravo na upis je obavezan dostaviti originale upludovanih dokumenata i izvršiti upis, u suprotnom smatra se da je odustao od upisa na studijski program za koji je aplicirao, a pravo upisa stiže sljedeći kandidat sa konačne rang-liste koji je ispunio uvjete do popunjavanja odobrene kvote.

Nakon isteka roka od sedam dana od objave, putem informacionog sistema eUNSA kao i na oglasnoj ploči/web stranici Univerziteta u Sarajevu - Elektrotehničkog fakulteta objavljuje se revidirana konačna rang-listu kandidata, a pravo upisa u narednih pet dana stižu sljedeći kandidati sa revidirane konačne rang-liste koji su ispunili uvjete za upis.

Član 8.

Kandidati koji, u skladu sa Konkursom budu primljeni na Univerzitet u Sarajevu - Elektrotehnički fakultet, za upis u prvu godinu studija, pored već predatih dokumenata, podnose:

- upisni, semestralni list i ŠV-obrazac,
- upisnicu – indeks i
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Član 9.

(Kada se na jedinstvenoj listi kandidata, koji su po osnovu kriterija za upis studenata utvrđenih Odlukom Vlade Kantona Sarajevo broj: 02-05-19288-9/09 od 11. juna 2009. godine, u predviđenoj kvoti upisa nađe određeni broj kandidata iz država nastalih nakon raspada SFRJ, lista primljenih kandidata se proširuje za taj broj kandidatima državljanima BiH najviše do 4% kandidata u statusu za koji konkuriraju.

Kada izračunati procenat broja studenata u odnosu na maksimalno utvrđenu kvotu kandidata iz država nastalih nakon raspada SFRJ nije cijeli broj, u tom slučaju vrši se zaokruživanje procentualne vrijednosti u korist kandidata na sljedeći cijeli broj.

Ukoliko se na listi kandidata u kvoti do 4% nalazi više kandidata iz država nastalih nakon raspada SFRJ koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidatima državljanima BiH.

Član 10.

Kada se na jedinstvenoj listi kandidata u kvoti predviđenoj za upis redovnih samofinansirajućih studenata nađe određeni broj kandidata iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja, koje su članice Univerziteta obavezne osloboditi plaćanja troškova školarine, članica ima pravo za broj kandidata koje oslobodi plaćanja školarine proširiti broj studenata koje upisuje u prvu godinu studija kandidatima koji ispunjavaju formalni uvjet za upis i to u statusu studenta koji plaća svoj studij.

Prvenstvo upisa pod jednakim uvjetima, iz ovih kategorija, imaju:

- a) djeca boraca-branitelja BiH,
 - b) djeca ratnih vojnih invalida, djeca šehida i poginulih i nestalih boraca-branitelja i umrlih ratnih vojnih invalida,
 - c) djeca organizatora otpora,
 - d) djeca veterana-prvoboraca i
 - e) djeca nosilaca najviših ratnih priznanja.
- (čl. 2., 6. i 26. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj: 31/22).

Član 11.

Detaljnije informacije o mjestu i vremenu predaje dokumenata za upis, kao i druge relevantne informacije bit će objavljene na web stranici Univerziteta u Sarajevu - Elektrotehničkog fakulteta.

DEKAN

Akt obradila: Aida Sarajlić Ovčina
Akt kontrolisao i odobrio: prof.dr. Senad Huseinbegović

Prof.dr. Jasmin Velagić

Dostaviti:

1. Prodekan za nastavu
2. Studentska služba
3. Odsjeci (4x)
4. Internet stranica
5. a/a

UNIVERZITET U SARAJEVU – ELEKTROTEHNIČKI FAKULTET

Na osnovu člana 127. stav (3) Statuta Univerziteta u Sarajevu, broj: 01-14-35-1/23 od 26.07.2023. godine, sekretar Univerzitet u Sarajevu – Elektrotehničkog fakulteta daje

STRUČNO MIŠLJENJE

Na prijedlog odluke o kriterijima i mjerilima za utvrđivanje redoslijeda prijema kandidata za upis u prvu godinu drugog ciklusa studija na Univerzitetu u Sarajevu - Elektrotehničkom fakultetu u studijskoj 2023/2024. godini

Prijedlog odluke Vijeća Univerzitet u Sarajevu – Elektrotehničkog fakulteta o usvajanju odluke o kriterijima i mjerilima za utvrđivanje redoslijeda prijema kandidata za upis u prvu godinu drugog ciklusa studija na Univerzitetu u Sarajevu - Elektrotehničkom fakultetu u studijskoj 2023/2024. godini, nije u suprotnosti sa članom 69. Zakona o visokom obrazovanju („Službene novine Kantona Sarajevo“ broj: 36/22) i članom 111. Statuta Univerziteta u Sarajevu niti tekstom konkursa za upis studenata u studijskoj 2023/2024. godini

SEKRETAR

Aida Sarajlić Ovčina, mr. iur.

Sarajevo, 21.09.2023. godine
01-3705 -48/23

Dostaviti:

1. Vijeću Fakulteta;
2. a/a